

Cyngor Cymuned Llanddeiniolen

Crynodeb o Gofnodion Cyfarfod y Cyngor a Gynhaliwyd yn Ysgol Gymuned Penisarwaun Nos Fawrth 7fed Chwefror 2017

Yn bresennol :- Y Cadeirydd Y Cynghorydd Elfed Williams, a'r Cynghorwyr, Phyllis Ellis, Rhian Evans, Richard Ll. Jones, Idris Thomas, R. Hefin Williams a Sion Jones

Gweddi: Offrymwyd gair o weddi gan Idris Thomas

1. Ymddiheuriadau. Euryrn Roberts

2. Gwasanaeth Bws - Croesawyd Llinos Roberts a Rhian Wyn Williams o adran gludiant Cyngor Gwynedd i'r cyfarfod i drafod gwasanaeth bws yr ardal.

Rhiwlas - Amlinellwyd bod dipyn o broblemau yn ardal Rhiwlas, bys ddim yn troi fyny, yn hwyr, dim trefn, a bod yr amserlen cywir ddim yn cael ei arddangos.

Esboniodd yr adran, fod yn rhaidil bobl gŵyno neu does posib iddynt wybod am y problemau. Nid oes gan y cyngor reolaeth ar fws 85 gan nad yw gwasanaeth y ffordd yma ddim ar gontract i'r cyngor. Mae yr amserlen cywir wedi ei osod erbyn hyn, ac mae yna ofyn cyfreithiol ar yr amseroedd hyn.

Penisarwaun – Y gŵyn fwyaf ym Mhenisarwaun yw nad oes bws ar gael ar ôl tua 6 yr hwyr. Mae llawer o bobl ifanc yn defnyddio y bws os buasai ar gael i fynd i'r clwb ieuenctid ac ymweld a ffrindiau ayyb. Yr ymateb a roddwyd oedd nad oes gan gwmnïau ddiddordeb mewn rhedeg gwasanaeth bws gyda'r nos, oherwydd diffyg defnydd yn cael ei wneud. Mae'r cyngor yn talu oddeutu 36% o 1.5 miliwn at y gôst o gynnal gwasanaeth bws fel y mae.

Deiniolen - Mae gwasanaeth bob awr o Ddeiniolen i Fangor a Chaernarfon yn ystod y dydd, ac mae defnydd da yn cael ei wneud o'r gwasanaeth hwn yn ystod y dydd, ac yn arbenig felly i'r gwasanaeth sydd yn mynd heibio Ysbyty Gwynedd, serch hynny maent yn gweld colli y gwasanaeth ar nos Sadwrn

Bethel – Mae Bethel yn un o'r pentrefi hynny yn yr ardal lle mae bosib cael bws yn hwylys i Gaernarfon neu Fangor drwy gydol y dydd, ond eto mae'r gŵyn nad oes bws gyda'r nos, ac o bosib fod cymdeithasau o fewn ein pentrefi yn dirywio oherwydd hyn. Gofynwyd pa bosibilrwydd y buasai efallai rhedeg bws bach 12 sedd gyda'r nos. Buasai rhaid cael bws arbennig gan ddilyn y camau statudol cyfreithiol sydd yn bodoli i redeg gwasanaeth cludiant cyhoeddus.

Mae gan yr adran gludiant holiaduron ar hyn o bryd sydd ar gael ar wefan Cyngor Gwynedd neu ar eich bws lleol.

Mae'r adran hefyd yn cydweithio gyda 2 arolygwr. Buasai'r adran yn falch o glywed am unrhyw broblem mae pobl yn eu gwynebu yn wythnosol ar y gwasanaeth, er mwyn ceisio gwella y gwasanaeth i'r cyhoedd.

Diolchwyd i'r ddwy gan y cadeirydd.

3. Datgan buddiant.

Dim

4. Cofnodion cyfarfod 17eg Ionawr

Derbyniwyd y cofnodion fel rhai cywir.

5. Materion o'r cofnodion

Biniau Halen – Yn dilyn ysgrifennu at Un Llais Cymru ynglŷn a chael cytundeb i ail lenwi y biniau halen yn awtomatig hynny ydi derbyn yr un gwasanaeth, ond bod Cyngor Cymuned yn gyfrifol o ariannu y gost, mae llygedyn o obaith ac yn disgwyl i glywed gan Cyngor Gwynedd.

Seddi Gwag – Ymhellach i ennyn diddordeb pobl yr ardal i lenwi y seddi gwag, cynigiwyd ein bod yn gyrru llythyr i gymdeithasau y plwyf i ddweud fod etholiad Cyngor Sir ac ethol cynghorwyr cymunedol mis Mai eleni, i godi ymwybyddiaeth o hyn. Cytunwyd yn unfrydol fod hyn yn syniad gwych.

Baw Ci Mynwent Macpela – Derbyniwyd llythyr gan yr adran yn Nghyngor Gwynedd yn dilyn y gŵyn am berchnogion yn gadael i'w cŵn faeddu yn y fynwent. Buasai unrhyw dystiolaeth yn gefnogol iawn yn y mater yma.

Neuadd i'r Eglwys ym Mhenisarwaun – Derbyniwyd llythyr gan y Parch. Carol Roberts yn datgan bwriad yr eglwys i chwalu'r hen neuadd yr eglwys ym Mhenisarwaun ac adeiladu un newydd i adeilad yr eglwys. Bydd swyddogion yr eglwys yn rhoi cais cynllunio i Gyngor Gwynedd yn y dyfodol agos.

6. Gohebiaeth a materion eraill

Gwasanaeth Llyfrgell Symudol. – Derbyniwyd llythyr yn gofyn am awgrymiad o leoliad mwyaf addas i'r gwasanaeth llyfrgell symudol, pan fydd y gwasanaeth presennol yn dod i ben. Penderfynwyd mai y lle fwyaf addas buasai yn y maes parcio ger y llyfrgell presennol, ac y dylai gwasanaeth fod ar gael yno unwaith yr wythnos.

Holiadur Cynefin – Trafodwyd y buasai o fudd i'r cyngor fod yn gwybod sut mae tim opsiynnau tai yn mynd o amgylch y system pwyntiau pan yn gosod tai. Y clerch i gysylltu yn holi oes modd cael copi o restr pwyntiau.

7. Cynllunio

Ceisiadau a dderbyniwyd:

Bro Rhiwen, Rhiwlas – Cais llawn i godi 9 tŷ fforddiadwy, creu mynedfa gerbydol newydd, lôn stâd, lle cynnau parcio a darparu lle cyn chwarae.

Tir tu cefn i Capel Bethel – Diwygiad o draenio'r tir

Ty Gwyn Waun Penisarwaun – Nodwyd bod yna sylwadau cryf wedi ei wneud gan nifer yn byw yn yr ardal i wrthwynebu y cais a hynny ar wahanol agweddau, ac felly mae'r cais yn mynd ymlaen i bwyllgor cynllunio.

8. O gwmpas y bwrdd

Rhiwlas – Mae mast gyda 4 desgyl lloeren ac ambell ddesgyl arall wedi ymddangos yn y cae tu cefn i Carreg y Gath. Does neb yn sicr pa bryd na pwy biau'r mast. Y clerch i wneud ymholiadau gyda'r adran gynllunio.

Tynnwyd sylw i ganlyniadau ysgolion yn yr asesiad cenedlaethol a ddaeth allan yr wythnos diwethaf, ac yn arbenig at y llwyddiant a'r canlyniadau da i ysgolion cynradd ac uwchradd y plwyf. Da o beth buasai gyrru llythyr i bob ysgol i'w llongyrfarch.